

AB
13
H12



80
107

P. f. 110

Theologie
E. VI. 428



5

Von dem Friede Gottes.


Euangelischer
vnterricht.

Geschrieben durch

M. Stephanum
Prætorium.

Anno

M. D. LXXIII.



Den Erbarn vnd
wolweisen Herrn/ Bürger-
meistern / vnd Racht/ auch der
Christlichen Gemeine/
der Stadt
Ulzen.

Wüdsche ich Stephanus Prætorius
Gottes gnade vnd friede.

DAS aller beste
Kleinod / welchs im
ein Mensch von Gott
bitten / vnd auch Gott
einem Menschen zur
seligkeit geben kan / ist der edle Fried
des Herzens. Denn was hilfft es ei-
nem / das er aller Welt güter vnd
herrligkeit hat / vnd ist doch seiner
gerechtigkeit vnd der gnaden Got-
tes

A ij tes

tes in seinem hertzen nicht versichert:
sondern lebet stets in schwerer traw-
rigkeit / vnd in ewigen furchten:
Solte doch viel lieber einer tod sein /
als ein solch müheselig leben führen:
Vnd führen doch gleichwol solch mü-
heselig leben fast alle liebe Christen:
Mein Hertz / sprechen sie / ist mir
stets betrübt / vnd zittert mir in mei-
nem leibe / wie laub: vnd habe in der
lieben nacht kein ruge: Welchs war-
lich nicht sein solte. Denn auff das
wir ewigen friede hetten in vnsern
Gewissen / ist der Son Gottes vom
Himmel gekommen / vnd hat sein Blut
am stam̄ des Creuzes vergossen.

Es kömet aber das ölzweiglin
innerlichs oder geistliches frieden
aus dem munde des heiligen Gei-
stes / oder aus der Predigt des
Euan-

Euangelij / welches ist doctrina pa-
cis, wie es S. Paulus nennet / zum
Ephesern am 6. Denn wenn das
liebe Euangelion / von dem verdienst
vnd wolthaten Jesu Christi / lauter
vnd rein gepredigt / vnd mit waren
glauben angenommen wird / so bringt
es den Gewissen friede. Esaiæ am 32.
Als denn sitzt ein Mensch mit seinen
lieben Kindern vnd freunden vnter
seinem Weinstock vnd Feigenbaum
vnschew. Micheæ 4. vnd schleift des
nachts mit frieden. Prouerb 3. Cubæ
bis, & non pauebis: & dulcis erit som-
nus tuus.

Darumb so solten auch getrewe
Lerer / welche das reine Euangelion
im munde führen / daraus der köst-
liche friede her kömpt / der Welt lieb
vñ angeneh sein / wie Esaias spricht
Cap. 52. Wie lieblich sind auff den
A iij Ber

Bergen die füsse der Boten / die da
guts predigen / vnd den friede ver-
kündigen. Man solte sie billich wie
Engel Gottes auffnemen vnd anhö-
ren: vnd als köstliche / wiewol schwa-
che gefesse / nach Gottes befehl auff
den knien freundlich halten. Denn
alles jr leren ist eitel herzen vnd küs-
sen: ja eitel fried vnd freude machen.
Aber was thut die Welt? Sie lest
das liebe Wort faren / hasset getrewe
Lerer / vnd trachtet nach zeitlichem
gut / dauon sie doch nur allein stolz
wird / vnd der sie auch nicht lenger
denn bis ans Todtbette gebrauchen
kan. Hier vber klaget Esaias / Cap.
25. vnd spricht: So hat man ruge /
so erquicket man die müden / so wird
man stille: vnd wollen doch solcher
Predigt nicht.

Weil

Weil es aber Gottes wille ist /
das man daruñ nicht sol still schwei-
gen / sondern mit dem Euangelio des
friedes imer fort faren / bis der alte /
sein lieber Son kome: Wie er anders
wo spricht: Stercket die müden hen-
de / vnd erquicket die strauchelnden
knie: Saget den verzagten hertzen /
seid getrost / fürcht euch nicht. Item.
Tröstet tröstet mein Volck / redet mit
Jerusalem freundlich: Habe ich
mich auch vnterwunden / der vn-
danckbaren Welt halben nimer ab
zu lassen guts zu predigen / vnd den
friede zu verkündigen / so lang ich le-
be. Vnd wünsche von grund meines
hertzen / das alle die jenigen / so meine
scripta haben vnd lesen / daraus bis
in den Himmel getröstet / befriedet vnd
erfrewet werden: Wie denn ja all
mein datum dahin gerichtet / vnd es

A iiii schon

schon bey vielen geschehen ist. Denn
weil sonst von andern sachen schrei-
bens gnug ist / so schreibe vnd erklere
ich mitler weil das liebe Euangeli-
on / vnd verhele das grosse geheimnis
nicht / Wieder weise Man spricht /
*Sapientia 6. Non occultabo vobis my-
steria. Neq; enim cum inuidia liuida
iter faciam, quæ nihil habet commercij
cum sapientia.* Der Fürsten rath / sa-
get Tobias / cap. 12. sol man heimlich
halten / aber Gottes gute sol man
herrlich preisen / vñ offenbaren. Wer
weis / was für eine bezalung ein mal
darauff erfolgen werde.

Weil aber dis Schriftlin vom
Friede Gottes / einem Christlichen /
löblichen vnd friedliebenden Völck-
lin von mir hat sollen zugeschrieben
werden: habe ichs der Christlichen
vnd löblichen Stadt Ulzen / aus
vielen

vielen redlichen Ursachen/ zuförderst
aber darumb/ das meine liebe Kind-
lein/ aus dem Geist Gottes empfan-
gen/ darinn geboren werden/ vnd
Ulken so wol Christi Wort lieb hat
vnd ehret/ als die grösssten Stedte
auff Erden/ wollen zuschreiben.

Wandelt dervwegen lieben Brü-
der vnd Schwestern im guten we-
ge/ vnd im reinen liecht des Euange-
lii/ weil irs habt/ ehe es finster wird/
vñ ehe ewre füsse sich an die tunceln
berge stossen: so werdet ir ruge fin-
den für ewre Seelen. Denn wie Je-
remias spricht cap. 6. es wil abend
werden/ vnd die schatten werden
gros. Vnd da ir euch dis mein
Tractetlin werdet lassen befohlen
sein/ vnd fleissig darin studiren/
hoffe ich/ es werde bey euch ohne
frucht nicht abgehen. Denn Gott

A v spricht

spricht selber / Esaia 57. Ich wil
frucht der lippen schaffen denen die
da predigen friede / friede. Die gnad
vnd friede Gottes sey mit euch. Ja
Gott breite seinen Friede durchs
Wort vber euch vnd die ganze Welt
aus / wie einen reichen strom.

Soltwedel / Anno salutis

æternæ 1583.

10. May.

EPISTOLA M. LV.
THERI AD IOANNEM
BRENTIVM SCRIPTA, IN QVA,
præter alia consideratu digna, iustitiam fi-
dei ubiq; tradendam & inculcandam
magnopere commendat.

GRATIAM ET PACEM IN
Christo Iesu Domino nostro. Redit ad te,
optime Brenti, Amos tuus, quem ad me
iamdudum miseras. Non est mea culpa,
quòd tardius editus est, sed voluntas eius
cui donasti. Qua ratione is motus sit, in-
certum est. Quòd verò tu pro humilitate
spiritus tui, totum hunc commentarium
meo iudicio subijcis, ut mutem, addam,
detraham, quæ videntur mihi, absit à me,
ut in hoc te audiam. Cum enim inter pro-
fanos odiosum sit, in alieno libro ingenio-
sum esse, multò magis inter Christianos in-
tolerabile est, sibi Magisterium super eius-
dem Spiritus discipulos arrogare. Satis est
probare Spiritus, an ex Deo sint, ubi pro-
bati fuerint, tum mox venerari & oscula-
ri, ac posito magisterij supercilio, discipu-
lum potius fieri. Neq; enim potest fieri,
quin vbi Spiritus sanctus loquitur, talia lo-
quatur, quæ omnem hominem venientem
in hunc mundum sibi subijciant, & discipu-
lum

lum faciant, siquidem sapientiæ eius non
est numerus.

Ego verò præter hoc generale encomi-
um Spiritus, de tuis scriptis sic sentio, ut
mihi vehementer sordeant mea, ubi tuis,
tuiq; similibus scriptis comparantur. Non
Brentium sed Spiritum prædico, qui in te
suavior, placidior & quietior est. Deinde
fermo dicendi artibus instructus, purius,
luculentius, nitidius fluit, itaq; magis affi-
cit & delectat. Meus verò præterquam
quod artibus dicendi imperitus & incul-
tus, nihil nisi syluam & chaos verborum
euomit, tum etiam eo fato agitur, ut tur-
bulentus & impetuofus, velut luctator cum
monstris infinitis semper congregi cogat-
ur. Itaq; si licet paruis componere magna,
mihi de quadruplici spiritu Eliæ, 4. Reg. 19.
ventus, motus, & ignis, qui montes subuer-
tit & petras conterit: tibi autem & tui si-
milibus sibilus ille blandus, aura tenuis,
qui refrigeret, contigit: ita fit, ut etiam mi-
hi ipsi, nedum alijs gratiora sint scripta &
verba vestra. Solor tamen me ipsum, quòd
existimem, imò sciam, patrem illum fami-
lias cœlestem, pro magnitudine suæ do-
mus, etiam opus habere uno & altero ser-
uo duro contra duos, & aspero contra
asperos, veluti malo cuneo in malos no-
dos.

dos. Et tonanti Deo opus est, non tantum
pluuia irrigante, sed etiam tonitru concu-
tiente & fulgure auras purgante, quo feli-
cius & copiosius terra fructificet.

Verum hoc donum Dei, præ cæteris, in
te singulariter amo & veneror, quòd iusti-
tiam fidei tam fideliter & sincerè urges in
omnibus scriptis tuis. Hic locus enim ca-
put & angularis lapis est, qui solus Ecclesi-
am Dei gignit, nutrit, ædificat, seruat, de-
fendit, ac sine eo Ecclesia Dei non potest
una hora subsistere, sicut nosti & sentis.
Neq; enim quisquam rectè docere potest
in Ecclesia, nec ulli Aduersario feliciter
resistere, qui hunc locum, seu uti Paulus ap-
pellat, hanc formam doctrinæ non tenuerit,
vel ut idem dicit Paulus, tenax eius fu-
erit. Quocirca sæpius & penè cum indigna-
tione abmiror, quomodo D. Hieronymus
nomen Doctoris Ecclesiæ, & Origenes Ma-
gistri Ecclesiarum post Apostolos merue-
rint, dum in utroq; autore non facile tres
versus inuenias de fidei iustitia docentes,
neq; Christianum ullum facere queas ex
uniuersis utriusq; scriptis. Sic vagantur al-
legorijs rerum gestarum, aut capiuntur
pompis operum. Neq; alius fuisset S. Augu-
stinus, nisi Pelagiani eum tandem exercu-
issent, & ad fidei iustitiam tuendam impu-
lissent.

lissent. Quia lucta & exercitio euasit verè
Doct̃or Ecclesiæ, ac penè solus post Apo-
stolos & primos patres Ecclesiæ. Non quod
illustribus patribus detrahere velim, & o-
culos cornicum configere, ut Hieronymus
ipse vocat, Sed quod purem admonitos
omnes oportere, ut Patrum scripta cum iu-
dicio, eorū diligentissimo & acutissimo le-
gamus, secundum illam regulam Spiritus
sancti, Omnia probate, Et iterum, Probate
spiritus, ut simus animalia munda, unguis
filsis incedentia. Quod qui non faciunt, vi-
demus quantis incertæ doctrinæ ventis cir-
cumferantur, & opinionibus in infinitum
se se gignentibus, sursum deorsum agiten-
tur, semper discentes, & nunquam ad sci-
entiam veritatis peruenientes. Et hæc non
tantum videmus, sed ipsi quoq̃ experti su-
mus, cum in iisdem turbis dogmatum ro-
tatemur, donec gratia Dei nos transtulit
in portum, & supra hanc certam petram æ-
dificauit, ut certi simus, quid doceamus,
discamus, habeamus, nec ultra sic fluctue-
mus. Quare te rogo, ut pergas optime Bren-
ti, sicuti facis, hunc locum strenuè, & usq̃
ad fastidium urgere per omnia & ubicunq̃
poteris. Nam plenus est aliàs totus mun-
dus scribentibus, clamantibus, cudenti-
bus, qui valdè fortiter hunc locum negli-
gant.

gunt, Multi deniq; persequuntur, plurimi
(cum aliud nocere non possint) obscurant
& corrumpunt. Nec mirum. Nam hic est
ille unicus calcaneus seminis antiquo ser-
penti aduersantis, qui caput eius conterit,
Ideò Satan rursus non potest non eidem in-
sidiari. Verum etsi noceat insidijs infinitis
& pertinacissimis, tamen vincere & con-
terere non potest, sicut scriptum est, Ipsum
conteret caput tuum. Non est scriptum:
Tu calcaneum vel caput eius conteres.

Gratia Domini nostri Iesu Christi

sit tecum, & ora pro me. Ex

eremo 26. Augusti,

anno 1530.



Faint, illegible text, likely bleed-through from the reverse side of the page.



Col. 3.

Pax Dei imperet in cordibus
vestris, ad quam etiam
vocati estis,

Der Friede Gottes regiere
in ewren Herzen/ Dazit
jr auch beruffen seid.

In Euangelische Spruch
lin zeigt an / was für ein
Hertz ein Christen gegen
Gott haben / vnd in was
massen er sein leben alhie
auff Erden anstellen vnd führen solle.
Denn weil die lieben Christen für allen
andern Menschen sonderliche hohe Leu-
te sind / erlöset von allem schaden / dar-
ein sie Adam gebracht : vnd in die voris-
ge herrlichkeit gesetzt / die sie vor dem
falle hatten / istis billig vnd recht / das
sie nicht schlecht dahin leben / wie an-
dere

dere Heiden/sondern herrlich wie Chri-
sten/i rem hohen stande würdig. Daher
füret S. Paulus diese vermanung/ das
er schreibet zum Ephesern/ am vierden/
Ich ermane euch lieben Brüder/ das jr
wandelt würdiglich ewrem beruff/ dar-
inne jr beruffen seid. Ob er sagen wolt/
Ir seid gerecht vnd Gottes liebe Kin-
der / vnd seid beruffen zu dem ewigen
leben. Darumb wendet fleis an/ das jr
such ein solch leben füret / welchs ewer
herrligkeit vnd ewrem beruff geziemet.
Vnd in derselbigen Epistel am fünfften
Capitel: Wandelt fürsichtiglich / das
ist / aus hohem verstande des Geistes
Gottes / wie sichs eigenet vnd gebüret.
Denn ἀκριβῶς περιπατεῖν heist accurata di-
ligentia animi intenti ambulare, fein ver-
nünftig vnd bedachtsam. Zum Philip-
pern am andern Capitel spricht er / das
die lieben Christen in jrem leben daher
leuchten sollen / wie Sonn vnd Mond/
vnd andere schöne helle liechter / das
sich ein jeder jres glaubens segne vnd
verwundere.

Wie

Wie aber solches zugehen solle / le-
ret alhie S. Paulus vnser lieber Doctor /
vnd spricht ausdrücklich / Das der Friede
Gottes vnser hertzen vnd vnser gan-
zes leben regieren solle. Zu welchem
Friede wir erlöset vnd auch beruffen
sind. Der Friede Gottes / spricht er / re-
gieret in ewren hertzen / dazu jr beruffen
seid. Das ist / Der Friede Gottes habe
ewre hertzen gar inne / vnd er setze sich
mitten darein wie ein Grosfürst / vnd
herrsche darin / vnd lasse keinen vnfried
zu euch einkomen.

Zieher gehöret das Pax vobis, wel-
ches der Herr Christus seinen lieben
Jüngern / als die fürnemste frucht sei-
nes leidens vnd aufferstehung / zum öf-
tern mal gewünschet hat. Item alle
vberschripte der lieben Aposteln / in
sonderheit aber S. Petri / wenn er
schreibet: Pax multiplicetur vobis, seu
ego opto vobis multiplicem pacem. Gott
gebe euch viel Friede.

Was ist der Friede Gottes? Er ist
nicht ein leiblicher Friede / hergeflossen
B ij. aus

aus liebe vnd freundschaft des Teuffels vnd der Welt / auch nicht allein Brüderliche einigkeit vnter den Christen : Sondern ist ein geistlicher / innerlicher vnd sieghastiger friede des hertzens / erwachsen aus dem waren erkentnis vnd glauben Christi / dadurch aller vnfriede / so der Teuffel vnd Menschen in vns erregen können / gestillet wird.

So ist nu bis die meinung S. Pauli / das ein Christen ein friedsam hertz oder Gewissen haben / vnd ein friedsam leben führen solle auff Erden / ohn jennige sorge seiner seligkeit / ohn betrübnis seiner Sünde / vnd ohn furcht Göttliches zorns vnd gericht. Sein hertz sol jm sein wie ein stilles wasserlin / welches von keinem winde gereget wird. Es sol jm sein / wie Adams hertz war vor dem falle / das er rugelich einschlafen vnd erwachen könne. Ja es sol jm sein / wie eines Engels hertz im himel / bewaret durch einen solchen friede / der höher ist denn alle vernunft. Denn David weissaget psalmo 72. das die lieben
Christ

Christen zur zeit des reiches Christi leben sollen / in abundantia pacis, in vberflus des friedes / oder in vberflüßigen friede. Der friede sol teglich in irem hertzen wachsen vnd zunemen / wie ein wasser von den schnee bergen. Esaias aber spricht cap. 32. das die Christen leben sollen in pulcritudine pacis, in schönem friede / wie vnter Rosen vnd Lilien / ja wie vnter dem glantz des Himmels / vnd das sie wonen sollen in sichern wonungen / vnd in stolzer ruge.

Lieber was ist doch stolze ruge? Stolze ruge ist / wenn ein hertz im erkentnis vnd glauben Christi so gegründet vnd geübet ist / das es numehr weder der Mosen / noch Teuffel / noch die kluge Welt achtet / sondern sie alle semptlich verachtet vnd verlachtet / da sie angrewlichsten sind. Denn weil Christus des Gesezes erfüllung ist / allen so jm anhangen / Was hat denn Moses mit solchen zu thun / vnd wie solten sie dazu komen / das sie sich von jm solten verunrugen lassen? Weil sie jm durch Chris

B ij

stum

er stum vberflüssig gnuß gethan / ja mehr
gethan / als **o** nie gefordert hat. Idem
iudicium esto, de Diabolo & Mundo,
welche Moses hörner zuweilen auff
setzen / vnd damit vmbher lauffen / wie
tolle Fastelabendts Brüder / die lieben
Christen damit zu stossen. Denn je größ
ser heuchler / je erger Mörder / je größser
Schalck / je größser treiber.

Solch ein hertz vnd gemüt wünd
schet im David psal. 51. da er spricht
Spiritu principali seu heroico cōfirma me.
Lieber Gott / gib mir einen Fürstlichen
Geist / oder ein Fürstlich vnerschrocken
hertz vnd gemüt / aus dem waren erkent
nis Messia / deines lieben Sons / alle
verdriesliche Heuchler / so vber sich hin
sehen / vnd stets an mich wollen / mit
richten vnd verdammen / zu vberwin
den / vnd als grosse Thoren / vnd vnuer
stendige Narren / zu verlachen. Denn
habe ich leider das Gesetz nicht gehal
ten / so hats mein Heiland für mich ge
halten völiglich / vnd vberschweng
lich / vnd hat mir allen seinen gehorsam
geschenckt / zur ewigen besitzung.

Vnd

Vnd solch ein friedsame gemüts
sol jm auch teglich ein jeder Christen
von hertzen wünschen / vnd mit Paul
lo zu sich sprechen: Der Friede Gottes/
der höher ist denn alle vernunft/ bes
ware mir ja heut mein armes Hertz für
allen vnfriede/ welcher aus tyranny
des Teuffels / oder der Welt bosheit/
oder sonsten aus zufälliger widerwers
tigkeit/ mir armen Würlin vnd Creutz
tregerchen entstehen kan. Denn ein
friedsam Hertz ist das beste gut/ vnd die
höchste seligkeit/ welche ein Mensch ha
ben mag. Pax optima rerum quashomini
nouisse datum est, pax una triumphis in
numeris melior: imo melior auro & ar
gento. Ein friedsam Hertz ist das Testa
ment Jesu Christi/ welches er den seinen
alhie auff Erden gelassen hat. Wie er
spricht / Joan. 14. Meinen friede lasse
ich euch/ nemlich zum schatz vnd Testa
ment / dabey jr meiner gedencen sollet.
Denn ich weis euch nichts höhers noch
bessers zu geben. Dieser Fried ist der
scopus gewesen / welchen Christus in
seinem ganzen officio angesehen/ Wie

B iij

Esaias

Esaias spricht: Die straffe ligt auff jm /
damit wir friede hetten. Vnd ist dazu
vnsrer beruff / dazu wir beruffen sind /
spricht Paulus. Denn es ist Gottes ern-
ster wille / das wir nicht im vnfriede /
sondern im friede leben / vnd jm ohne
furcht vnd sorge dienen sollen vnsrer le-
benlang / in heiligkeit vnd gerechtigkeit
die jm gefellig ist.

Demnach / weil es solche gelegens-
heit mit dem Geistlichen friede hat /
sind alle getrewe Lerer vnd Christi
Diener schuldig / iren fleis dahin zu wen-
den / das der liebe friede in den hertzen
irer zuhörer auffgerichtet / erbawet / er-
halten vnd gemehret werde: Vnd sol-
len auch die armen sorgfeltigen Gewiss-
sen / zum starcken vnd bestendigen friede
ernstlich vermanen / vnd für sie bitten.
So sind sie alsdenn was sie sein sollen /
vnd dafür sie sich ausgegeben haben /
vnd dafür sie ire besoldung nemen / als
nemlich gute Hirten / vnd Engel des
Friedes / wie sie der Prophet Esaias
Cap. 33. nicht vergeblich nennet. Wol-
len sie aber solchs nicht thun / sondern
die

die armen schwachen Schefflin Christi/
irer hinderstelligen Sünde halben / mit
den drawungen des Gesetzes / auff die
vnchristen vnd verstockten gehörig /
jmer schrecken / so greiffen sie sich ja zu
erst selbst an / vnd sehen denn zu / wie sie
iren einer an den schwachen für Christo
verantworten.

Eines felt mir hie noch ein / das
David saget / Psalmo 85. Iustitia & pax
fese osculabuntur. Gerechtigkeit vnd
Friede werden sich vnternander küssen.
Das ist / Zur zeit Christi wird es so lieba
lich vnd freundlich in der Welt zuges
hen / Fürnemlich aber in den Herzen
der **Gläubigen** / das eitel Glaube vnd **Christe**
Friede darinne wird verhanden sein /
Ja das sich Glaube vnd Friede miteins
ander Herzen vnd küssen werden. Der
Glaube wird ein gefallen an seinem
Töchterlin haben / das Töchterlin wi
derumb ein gefallen an seiner Mutter :
die werden sich vnterander freundlich
begeggen / vnd lieblich zulachen / sich
vmbfahen / Herzen vnd küssen / in groß

ser freuden Jesu Christi. Denn wenn
man gleubet / das man gerecht ist für
Gott / so hat man auch friede mit Gott.
Rom. 5.

Doctor Joachimus Nörlinus er-
kleret diesen Vers in seinem Psalterio /
Pag. 109. etwas anders / vnd spricht /
Das durch Gerechtigkeit die Weltliche
Herrn / durch Friede aber die Lerer sol-
len verstanden werden. Regenten /
spricht er / sollen Gerechtigkeit vben /
das ist / die fromen schützen vnd die bö-
sen straffen. Prediger aber sollen nicht
allein treulich reine Lere treiben / son-
dern auch dahin erbeiten / damit die ar-
men Gewissen zu friede vnd ruge für
Gott komen / vnd ein frölich friedsam
Hertz haben mögen. Vnd schreibet wei-
ter. Es sollen aber auch diese beide ein-
ander begegnen / vnd sich freundlich
küssen vnd hertzen / das sie nicht gemen-
ge / sondern vnterschiedene ding sein /
aber nicht getrennet. Sol derhalben
mit lieb vnd höchster freundschaft ein
Ampt jmer dem andern die hand bied-
ten / die Oberkeit mit jrer regierung die-
nen

nen vnd befördern das Predigamt/
wo vnd wie sie kan vnd mag/vnd sich
ja hüten/das sie nicht thue/wie gemein-
iglich in der Welt die vnart ist / psal.
2. Lasset vns zureissen ire bande / vnd
von vns werffen ire seile. So sol
widerumb auch das Predigamt nicht
verdrücken/verkleinern oder auffheben
das Weltliche Regiment/ sondern das
selbige ehren vnd fördern / mit höch-
stem fleis vnd trewen. Vnd also sein als
les in beiden Emptern zugehen nach
Gottes willen / mit höchster lieb vnd
freundschaft.

Warumb aber sol eines Christen
herz friedsam sein / vnd sich seiner
Sünden halben nicht
mehr betrüben?

Darumb: Denn ein Christen ist
durch die Tauffe von allen seinen Sün-
den erfreyet. Die Tauffe ist ein solch
kressig Wasser/das sie von dem Tauff-
ling auff ein mal ganz vnd gar hinweg
nimmet

nimmet aller Sünden schlamm / so im von
Adam angeerbet / vnd er selber dazu ge-
than hat / durch sein ganzes leben. Wie
S. Paulus klerlich bezeuget / Ephes. 5.
da er spricht / das die liebe Kirche in
der Tauffe so herrlich / das ist / so heu-
berlich vnd schön geworden / das auch
kein sündlichs flecklin / daran Gott ein
abschew haben möchte / an jr vberblie-
ben sey. Daher sagt Christus zu seinen
lieben Jüngern / vnd zu allen getauff-
ten Christen / Ioan. 13. Vos mundi estis.
Ir seid ganz rein. Ir habt keine Sünde
mehr. Wie denn auch der Prophet Esai-
ias die Kirche nennet populum leuatum
peccato, Ein volck on Sünde / Cap. 33.

Solche grosse krafft aber Sünde
zu vertilgen / hat die Tauffe aus dem
thewren Blut Jesu Christi / vnd aus
dem wort oder einsetzung Christi. Denn
der Herr Christus hat das verdienst sei-
nes Bluts in die Tauffe gethan / damit
es den seinen kōndte applicirt vnd mit-
gereilet werden. Vnd hat die Tauffe hie-
zu eingefezet / das sie gelten vnd alle
Sünd

Sünde am getaufften tilgen oder weg
nemen solle / wie Actor. 22. ausdrück
lich von der lieben Tauffe geschrieben
stehet. Darumb auch alles was von
Christi Blut in heiliger Schrift geredt
wird / sol auch von der Tauffe verstan
den werden. Quoniam, ut diuus Ioannes
inquit, aqua & sanguis unum sunt. 1. Ioan. 5.

Hie kömet nu Fraw Cas bi her / die
alte Thörin / vnser vernunfft / vnd les
chelt fein seuberlich / vnd spricht: I/
wie fein seid jr getaufften Christen one
Sünde? Habt jr kein flecklin oder rünz
lin der Sünden mehr an euch / daran
sich Gott stossen könte? Sehe ich doch
an euch grosse malzsecke vol Sünde.
Antwort. Lache jmer hin / du grosse
Thörin / in deinen klugen Heiligen / dar
in du wonest: Du mußt lachen. Denn
von dir stehet geschrieben / Wer gienbt
vnser Predigt? Item / Es ist den klugen
eitel torheit / was von der reinigkeit der
lieben Christen aus Gottes Wort ges
schrieben vnd geredt wird. Denn die
vernunfft hat nur ein auge / damit sibet
sie

sie nur allein Sünde / was wir aber
mehr haben von Christo / das siset sie
nicht / vnd da weis sie nichts von / vnd
dauon mag sie auch nicht einst hören.
Ja die lieben Christen selbs prallen hie
zurück / vnd sprechen: Ich füle gleich
wol noch Sünde / die reget sich in mir
teglich / vnd bricht zuweilen aus / wie
jetzt die blüt aus den Beumen bricht /
vnd lest jr nicht wehren. Wie solt ich
mich denn zu frieden geben / als were ich
one Sünde? Antwort. Fromes hertz /
dieselbige Sünde / die du noch fülest /
vnd in dir zuweilen eraus bricht / hat
die Tauffe von dir genommen / vnd keine
andere. Wiltu gemalte Sünde haben /
so mustu auch einen gemalten Heiland /
vnd eine gemalte Tauffe haben. Ich
weis von keinen andern Sünden zu sa-
gen / denn die ich leider täglich in mir
füle vñ leide / Hastu andere / das magstu
wissen. Vnd eben dieselbige Sünde / die
ich also trage vnd füle / wiewol mit
grossen vnwillen / vnd vberdrus mei-
nes lebens / bis in meine grube hinein /
die ist mir in meiner Tauffe getilget.

Es

Es were denn sache/das wir wolten ein
gespöts aus der Tauffe machen / vnd
sprechen/ auff gut Papistisch / das ma-
lum originis were wol in der Tauffe ge-
blieben oder erseufft / aber die actualia
hetten wir noch alle behalten / die müs-
sten wir selbs büffen vnd tilgen/Damit
hette Christi Blut vnd Tauffe nichts zu
thun. Ich meine aber ja/dis were geba-
det / vnd wolt für ein solch bad nicht
zween heller geben/ Wenn ich armer
Mensch nicht solte durchaus gebadet
vnd gereiniget sein / von allen meinen
Sünden. Woher wolt ich doch her-
nacher ein ander besser vnd köstlicher
bad nemen / damit ich mich reinigte/
wenn die heilige Tauffe/ gewürzet mit
dem Blut Christi/ so viel nicht vermün-
gen sollte?

Wer dis mysterium recht vnd wol
verstehet/ der ist ein gelarter studiosus
in scholis gewesen / vnd hat warlich et-
was gestudirt. Er ist auch dem Teuffel
ezliche meilen wegcs aus dem rachen
gekomen / vnd hat einen trefflichen
grad oder anfang Göttliches friedes in
seinem

seinem hertzen. Wer aber dis' mysterium
nicht verstehet / wil es auch nicht ver-
stehen / wie vnerfarne Zentker thun /
was weis der vom Euangelio? der ist
ein armer Schüler / kan jm vnd andern
nicht rahen / noch sein lebenlang zum
friede komen / Ich geschweige andern
dazu verhelffen.

Weil es nu an dem ist / das wir / Gots
lob vnd danck / gereiniget sind von al-
len vnsern Sünden / presentibus, prate-
ritis ac futuris, vnd das wir durch Chri-
sti Blut vnd Tauffe eben so wenig Sün-
de haben, als die liebe Sonne / ja als die
Engel Gottes haben. Wie solt ich denn
hiezu komen / vnd mir Sünde machen /
da ich keine Sünde habe / vnd mir Gott
keine Sünde zurechnen wil / vnd mich
der gemachten Sünden halben betrü-
ben? Betrübet sich doch ein Engel im
Himmel nicht seiner Sünden halben / wie
solt ich mich denn irent halben betrü-
ben / der ich mit so thewrem Wasser / ja
mit so thewrem Blut / so thewer gewas-
schen bin? Sondern ich sol meinem
Herrn

Herrn Christo / seinem Blut / vnd seiner
Taufe die ehre thun / vnd mich daran
begnügen lassen / vnd mein vnruhiges
hertz damit befrieden. Fürnemlich weil
ich weis / das dis Gottes wille sey / vnd
alles von Christo dahin gemeinet / das
ich in meinem Herzen vnd Gewissen
friede hette. Wie wir droben aus Esaia
gehört haben.

Das wir aber hin gehen / vnd vn-
ser edel leben zubringen mit trawren
vnd seuffzen / ist vnser Fleisch / der
Teuffel / vnd der grosse vnuerstand
in Götlichen sachen / in sonderheit
aber / das wir keine getrewe Hirten ha-
ben / die sich vnser annemen / vnd vn-
ser arme betrübe Seelen auffrichten /
vnterrichten vnd richten. Zwar / wenn
ich für mein person einen gelarten /
trewherzigen vnd tröstlichen Freund
oder Seelenhirten hette / wolte ich
mein lebenlang in keine trawrigkeit
oder schwermit durch Gottes hülffe
geraten.

C Warumb

Warumb sol sich aber ein Christen
für Gottes zorn nicht
fürchten?

Darumb. Denn Gott zörnet nicht
mehr mit vns / wie die Kirche ausdrück
lich kennet / Esaia 24. da er spricht :
Gott zörnet nicht mit mir : aus der
ursachen. Denn vnser lieber Herr Jes
sus Christus hat nicht allein die Sün
de von vns gantzlich hinweg genomen /
durch sein Blut / Wie von im geschrie
ben stehet / Leuit. 16. Et leuabit hircus il
le super se omnes iniquitates eorum :
Sondern er hat auch zugleich damit
dem zorn Gottes gnug gethan / vnd in
gestillet. Das demnach die getaufften
nicht allein abwaschung ihrer Sünden /
sondern auch erfreyung vom zorn Got
tes erlanget haben / beides zugleich in
der heiligen Tauffe / da sie dann in war
heit ελεύθεροι, die freyen / wie sie S. Paul
us nennet / geworden sind. Hieher ge
höret das thewre vnd werde Sprüch
lin S. Pauli / welchs mit aller Welt
gut

gut nicht zu bezalen ist: Christus hat
die feindschafft Gottes getödtet durch
sich selbs. ἀποκτείνας τὴν ἐχθρὰν. Ephes. 2.
Wie hat er aber die feindschafft oder
den zorn Gottes getödtet? Das er nimm
mer wider auffstehen vnd anbrennen
sol: Denn das heist tödten. Chriosto-
mus. Nihil magis proprie aut significan-
tius dici potuit. Non dixit, soluens, aut
tollens: sed quod his omnibus vehementi-
us est, interficiens, ut nunquam reuiuiscere
possit. Ist mir das nicht ein schönes?
Vnd zwar/ Wenn Gott gleich mit vns
zörnen wolt / Lieber wie köndt er füg-
lich dazu komen / sintemal er dessen kei-
ne ursach hat / Theologisch vnd Christ-
lich von den sachen zu reden? Ist die
Sünde nicht von vns weg / vnd im ro-
ten Meer also verschwunden / das auch
kein vestigium odoris dauon vberblie-
ben ist? Es were denn alles falsch / was
das Euangelion von der Tauffe vnd
wegnehmung der Sünden leret vnd zeu-
get. Denn die reliquia peccatorum, für
welche man den zorn Gottes noch be-
halten wil / die sind mit hinweg genos-
men /

C ij. men /

men / vnd ist nichts sündlichs an vns
vberblieben / Oder vnser Glaube
ist falsch / vnd ich wil mit dem Euange-
lio nicht zu thun haben. Nun zörnet
man sich ja nicht vber einen gerechten /
sondern vber einen vngerechten zörnet
man sich / da gehöret der zorn hin / wel-
cher ist eine straffe der Sünden. Dis
soltu mir aber auff mutwillen nicht zu-
hen / oder du hast kein teil an dieser lere
vnd trost. Wie ich denn auch hie von al-
le Geistlose Henchler / welche die arme
Kirche mit irer vngerechtigkeit wol-
plagen / wil ausgeschlossen haben.
Denn weren sie von Gott / so würden
sie ohn zweiffel sich viel anders erzei-
gen / vnd solch grausam Türckisch les-
ben vnd wesen nicht führen / die wilden
vnd stolzen Serwe: Derwegen gehören
sie in eine andere Tauffe oder bad hin-
ein / welchs Apocal. 20. fein artig be-
schrieben ist.

Das sichs aber ansehen lest / als
zörnete Gott mit seinen lieben Chri-
sten / weil er inen / von der Tauffe an /
bis in die letzte grube / so mannigen
sawren

sauren wind leß vnter die augen we-
hen/ vn jr armes hertz mit so schwerem
Creutz presset / das sie offte kaum odem
darunter holen können / das sol vns
nicht irren. Denn dis geschicht von jm
aus grosser liebe / wolmeiniglich / vnd
hat seinen hohen nutz. Wenn der freund
selige Gott vnsern Glauben probiren
wil / so sihet er schwarz aus / vnd füret
vns wunderliche wege: Ja offte so tieff
ins elend hinein / das wir verzweiffeln
wider heraus zu komen. Zu dem verge-
het auch vnter dem lieben Creutz / was
da an vns vergehen sol / vnd es wechset
in vns / was da wachsen sol. Das wir
zu keiner zeit bessere Christen vnd Hei-
gen sind / als eben zur zeit des lieben
Creuzes. Daher vermanet der Herr
Christus seine liebe Jünger Ioan. 14.
das sie nicht erschrecken sollen / für dem
vnfreundlichen angesicht vnd anblick
Gottes / Wenn er mit einem schreckli-
chen Wetter / oder mit schrecklichen wel-
len allerhand versuchung vnd vnglücks
hinter jnen her ist / vnd wil sie gleich er-
seuffen. Mein / spricht er / stehet nur sein

C ij

stille /

Stille / vnd fürchtet euch nicht / es hat
kein not. Gott hebets wol wunderlich
an mit den seinen / aber er fürets herr-
lich hinaus / Esaia 28. Wenn er einen
von den seinen hoch erheben wil / so
drückt er in zuor tieff herunter. Wenn
er hoch erfrewen wil / so betrübet er zu-
vor bis in den Todt: dessen müßet jr lie-
ben Jünger gewohnen.

Dis aber ist eine hohe kunst / nem-
lich / sich Gott nicht zornig einbilden /
vnd für seinem zorn nicht erschrecken /
wenn er zornig außsiehet / vnd alle seine
wetter vnd donnerschlege vber vns ge-
hen lest. Warlich an dieser kunst hat
es fast allen Heiligen gemangelt / so da-
von anfang her vor vns gewesen sind.
Denn alle haben sie sich geergert am
Creutz / vnd haben vnter irem leiden
vber den zorn Gottes hefftig geklaget /
gerad als weren sie von Gottes zorn
verstoßen vnd verlassen. Job spricht
Cap. 30. Du bist mir verwandelt in ei-
nen grausamen / vñ zeigest deinen grim
an mir. Das ist die verstoßung. Schreye
ich

ich zu dir / so antwortest du mir nicht :
Trette ich erfür / so achtest du mein nicht.
Das ist die verlassung. Desgleichen
thut David auch / Psal. 42 da er spricht
mit weinenden augen / Quare repulisti
me Domine? Ach **HER** / warumb
hastu mich verstoßen? Vnd im 13.
Psaln klagt er / **HER** wie lang wiltu
mein so gar vergessen? Wie lang ver-
birgestu dein antlitz für mir? Wie lang
sol ich sorgen in meiner Seelen / vnd
mich engsten in meinem hertzen teglich?
Ja das wol mehr ist / der Son Gottes
selber / der doch das gnedige hertz seines
Himlischen Vaters imer gesehen / vnd
wol erkandt hat / der ruffet in seinem
elend am Creutz: Deus meus Deus meus,
quare me dereliquisti? Mein Gott / mein
Gott / warumb hastu mich verlassen?
Ich heule / aber meine hülffe ist ferne.
Mein Gott des tages ruffe ich / so ant-
wortest du nicht / vnd des nachts schweie-
ge ich auch nicht. Unser Vetter hoffeten
auff dich / vnd da sie hoffeten / halffest du
inen aus. Zu dir schrien sie / vnd wurden
errettet / sie hoffeten auff dich / vnd wur-
C iij Den

den nicht zuschanden. Ich aber bin ein
Wurm vnd kein Mensch / ein spott der
Leute vnd verachtung des Volcks. Ob
er sagen wolte / Mir wilten nicht helff
fen.

Das heist man Tentationem de ab-
iectione, welche vns nicht allein von A-
dam angeerbet ist / sondern auch vom
Teuffel mit gewalt in vns getrieben / vñ
tglich durch in vermehret wird. Denn
so hette es Juncker Teuffel gerne / das
wir vns Gott so einbildeten / vnd sol-
che gedanken von jm schepffeten. Dem
Herrn Christo aber ist diese anfechtung
darumb widerfaren / auff das sie jm
hülffe sein leiden stercken / vnd wir dar-
an sehen möchten / wie schwach er ge-
wesen / vnd er vns in vnser schwachheit
damit tröstete.

Wir sollen aber wider solche anfecht-
ung von dem Zorn Gottes / mit vn-
serm Herzen streiten / vnd es dem Teu-
fel keins weges einreumen / noch gestat-
ten / das es war sey / also auch / das / da
vns gleich Gott würde tödten auff
schreck

schrecklichste / mit Donner vnd blitz /
vnd gleich in die Helle werffen / wir
gleichwol sprechen sollen / Tu zornet
gleichwol der frome Gott nicht mit
mir / vnd hat mich nicht verstoßen / viel
weniger verlassen. Ehe ich dis wolte
nachgeben / wolt ich lieber tausent mal
sterben. Er habe mich in viel tausent
stücke / vnd sichte mich durch ein sieb /
vnd gebe mich den Vögeln vnd Fischen
zu fressen / so sollen doch gleichwol alle
meine äderlin sprechen: Wie ist mir
Gott so gnedig vmb seines lieben Sons
willen? Denn da habe ich Gottes wort /
verbum veritatis, das zeuget / Gottes
zorn sey getödtet / des wil ich mich hal-
ten. Das heist *lucta cum tentatione*, das
in ein jeder Christlicher Ritter wol sol
geübet sein / vnd an welchem Kampff
vnd Ritterspiel Gott seine höchste freu-
de hat.

Woher nemen wir aber ein solch
vnerschrocken Hertz? Von Christo vn-
serm lieben Jrenxo / oder Friedefürsten /
der da spricht / Ioan. 14. Meinen frie-
de gebe ich euch. Denn wenn wir von

C v natur

natur köndten glauben/das Gott nicht
zörnete / so were es vns sehr leicht zu
thun/ vnd thürsten es bey niemand an-
ders suchen. Weil wirs aber von natur
nicht haben / kömets vns schwer an/
vnd müßens bey dem Herrn Christo
vnd seinem Geist / dem Hergmacher/
suchen/ sine cuius numine, nihil est in ho-
mine, ohn allein Sünde vnd schrecken.

Hie komen nu die hochgelarten Pa-
pisten her/ex scholis ignorantia, vnd fü-
ren eine jemmerliche klage vber vns Lu-
therischen/ vnd sprechen/wir zerstören
jnen hiemit jr Reich. Denn sol der frie-
de Gottes in vns regieren/ vñ niemand
trawren seiner Sünde halben/sich auch
niemand fürchten für dem schrecklichen
zorn Gottes / so könne niemand Busse
thun / vnd sie können auch niemand
mit iren Siegeln vnd brieffen zur gnug-
thuung verhelffen / sey derwegen alles
mit irem Reich aus.

Von der lieben Busse / wie sie gear-
tet/ wozu sie diene/ vnd wie fern sie sich
bey

bey den lieben Gottes Kindern / so da
gefallen/erstrecken sol/wollen wir wils
Gott/zu seiner zeit ausfürlich handeln.
Was aber die Papisten anlanget/ wolt
ich/das es nicht allein mit irem Reich/
sondern auch mit des Teuffels Reich
dazu/in den armen hertzen der Christen
rein aus were. Ich wolte all mein güt
lin/ja die Welt darumb geben/ das die
gleiffende vnd reiffende Wölffe ein mal
auffhöreten/die armen hertzen mit iren
pœnitentijs vnd satisfactionibus zu mar
tern/ welche vorhin gnugsam zumar
tert sind/ vnd liessen andere Meister an
ire stadt solche arme hertzen regieren.
Ich wil auch durch Gottes gnade das
zu helffen / so viel an mir ist / das den
Seelenmördern / den Papisten/das res
giment vber die Gewissen vollend sol
genommen werden. Denn es sind blinde
Leute / welche von vnserm Christens
thumb nichts wissen. Sie meinen/ ein
Christ sey eben so wol ein Sünder / als
ein Türck / vnd helffe in die Tauffe gar
nichts. O du liebe Tauffe / wie gering
bistu in der Welt geachtet / vnd wie gar
selten

selten gedencet man dein? Derwegen
so reden sie auch nichts anders / denn
nur allein von Sünden / vnd wolten ei-
nen jeden Christen gern dahin bereden /
sich nur allein für einen grossen Sünder
zu halten. Ach erkennet ja ewre Sünde /
Ihr seid für Gott grosse Sünder. Saren
Darauff zu / vnd leren mit grossen ernst /
wie man den sachen rathen / vnd wie
die grossen Sünder irer Sünde sollen
los werden. Dahin ist all jr datum ge-
richtet / vnd dis ist das ganze Babst-
thumb. Ich halte das vnter zehen tau-
sent Papisten nicht einer gewesen / der
sein lebenslang dis solt geleret haben /
das ein Christen durch Christum schon
gerecht were / vnd thürste nicht aller-
erst durch seine Werck gerecht werden.
Wo sind die Lerer in der Welt? Vnd
wollen doch gleichwol irer viel gar Eu-
angelisch sein. Daher ruffen sie mit lau-
ter stimme / in einer Joannis / si Dis pla-
cet, Thut busse / thut busse / erkennet ew-
re Sünde / thut gnug dafür mit hertz-
licher rewe / mit fasten / mit wachen
vnd mit beten / wie Paulus Eremita /

Hie

Hilarion vnd Antonius gethan / die sich
mit fasten / wachen vnd beten / fast zu
tode geplagt haben / vnd darüber von
den Teuffeln weidlich geklopffet sind.
Vnd da jr den sachen zu wenig seid / wol
len wir euch vmb die gebür zu hülff ko
men. Doch sehet euch für / das / wenn
wir euch ein mal in den Himmel verholff
sen / jr nicht hernacher widerumb her
ausser fallt. Denn so oft ein Christen
felt / so oft felt er aus dem Himmel. Vnd
ist nur dis leben eitel Himmel fallen. Zu
dem / wie Clemens Alexandrinus leret /
so zihet ja wol Gott die büßiger wider
umb zu sich in den Himmel / wenn sie es
mit der Busse nicht zu viel machen.
Zwey mal büßen gehet hin / drey mal
büßen gehet auch hin / aber das vierd e
mal gilt ~~nicht~~ nicht mehr / das wil im
Gott nicht mehr gefallen lassen. So
stolpern sie dahin / die armen vn seligen
tenebræ, vnd die homines incertitudinis,
die für ire person selbs nicht wissen / wie
sie dran sein / ob sie für Gott gerecht
sein / oder ob sie es noch werden sollen /
die es auch andere nicht eigentlich be
richten

richten können / weil sie selbs nicht große lust zur busse haben / vnd auch nicht mercken / das sich andere solten zu tode büßen. Ist mir dis nicht eine feine Theologia / vnd ein jemmerlicher zustand in der Welt / das man die liebe Kirche so leren sol. Aber dieser traum der Papisten vnd Sophisten sol vns nicht irren / Wir sollen vnd wollen gleichwol zum friede Gottes / vnd nicht zum vnfrieden vermanen / vnd denselbigen in den hertzen der Christen helfen auffrichten / Weil wir dazu / wie Paulus sagt / beruffen sind / solt es auch den Papisten vnd irem Heubtherrn dem Teufel bis in die Seele weh thun. Denn ist nicht also? Gleich wie wir von natur arme Sünder sind / also sind wir aus gnaden gerecht. Vnd also gerecht / das wir vmb der gerechtigkeit willen nicht mehr sollen für Sünder geachtet werden / Sonst were alles falsch vnd betrieglich / was die Schrift von der herrlichkeit vnser Gerechtigkeit redet: Vnd were besser / wir höreten nichts von vnser gnaden gerechtigkeit / wenn sie nicht solte

solte die Sünde bedecken/ja die Sünde
wegreumen/auff fressen vnd verschlins
gen. Was ruffen denn die eineugigen
Papisten viel von Sünden? Vnd ist
nicht recht / das etliche sprechen / wir
sein Wunderthiere/oder dobbelte Men
schen/halb Sünder/halb gerecht. Mein
gar gerecht / oder nicht gerecht. Sind
wir noch Sünder / so sind wir nicht ges
recht. Sind wir aber gerecht / so sind
wir nicht Sünder / Oder ich wolt umb
meine gerechtigkeit nicht ein kniplin ges
ben. Iusti sumus, das ist vnser namen / das
bey sol es bleiben / vnd kein Teuffel sol
vns einen andern namen oder schand
flecken anhängen. Diese stimme sol als
lein gelten / die sollen wir hören / die sol
in vnser ohren vnd hertz klingen. Wer
aber diese Gerechtigkeit Christi nicht
hat / der gehe jmer hin zu den Papisten /
vnd lasse jm sagen was er sey / vnd was
er machen solle / damit er anders werde /
das kan ich jm wol gönnen. Ego verò
non aspernabor gratiam Dei : neq; me ali
ter fingam, quam in Christo sum : fingat ac
refingat me Satan, ut ut volet.

Hieher

Zieher gehöret die geistreiche vnd
therore erklerung D. Martini Lutheri/
vber die wort Christi: Wer hertz ers
schrecke nicht / vnd fürchte sich nicht:
welche stehet in der Kirchenpostill/am
Pfinstage/pag. 121. Das ist die rech/
te freundliche eigene stimme des trewen
Heilandes / die er seinen Christen gerne
ins hertz sprechen wolt / das sie von jm
nichts anders / denn friede vnd alles gu/
tes haben vnd gewarten sollen. Denn er
weis wol wie schwer solcher friede vnd
trost des hertzens zu halten ist / vnd wie
hie der Teuffel wehret / wenn gleich der
Mensch friedig ist / vnd aller Welt zorn
vnd feindschafft kan verachten vñ vber
winden / das ers doch treibe in schre/
cken vnd fürcht für Gott. Wolan / das
weis Christus wol / das sich natürlich
fleisch vnd blut entsetzet / vnd niemand
zu lachen kan / wenn es jm vbel gehet / so
jm alles was er hat genomen / oder er
dem Hencfer vbergeben wird / Viel we/
niger / wenn der Teuffel das blöde hertz
recht zwischen die sporn fasset / vñ rol/
let / das es für engsten kaum odem ho/
len

len Pan. Aber höret jr wol (wil er sagen) was ich euch sage von meines Vaters wegen / Das er euch nicht wil erschrecken haben / vnd jr keines vnfriedens oder schreckens euch sollet besorgen / Sondern wissen / was euch schrecken wil / das ist nichts denn der leidige Lügengeist der Teuffel / der vnter Gottes namen vnd gestalt die fromen Herzen blenden vnd betrüben wil. Denn öffentlich als ein Teuffel thut er nichts / denn er weis / wo man in kennet / da hat er schon verlorn. Darumb last euch nur das hertz nicht nemen / sondern seid nur dagegen desto stercker vnd vnuerzagt / dem Vater vnd mir zu lieb vnd gehorsam / dem Teuffel vnd der Welt zu trotz vnd verdries.

Wer nu solche wört glauben kündete / vnd also ansehen / wie sie sind des Herrn Christi wort / der solte ja auch getrost werden / vnd frölich verachten / was die ganze Helle vermag in zu schrecken. Denn für wem wolt sich der fürchten / der da weis / das im Christus vnd Gott durch in / sampt dem heiligen
D. Geist /

Geist/ gnade vnd friede zuspricht/ vnd
in heist vnd gebeut / frölich vnd vner-
schrocken zu sein: Es ist allein der man-
gel / das wir hie so gar schwach sind
Christo zu glauben/ das vnser fleisch vñ
blut/ so es seine vnwürdigkeit fület/ dem
Teuffel mit seinem falschen schrecken
mehr gleubet/ weder dem warhafftigen
gnadenreichen Wort/ darin vns Gott/
wenn wir nur an Christum ansahen zu
glauben / vergebung der Sünden vnd
alle seligkeit verkündiget.

Wie gedüncket dich wol mein freund
vmb diese wort Lutheri: Woltestu wol
zehen Taler nemen / vnd sie widerumb
aus deinem hertzen verlieren? Die Sum-
ma ist. Wenn einem schreckliche gedan-
cken einfallen/ vom zorn Gottes / oder
einer dieselbigen schöpffet aus Gottes
wort vñ drawungen/ die sind nicht aus
dem heiligen Geist/ welcher ist ein Trö-
ster vnd Geist des Friedes/ sondern aus
vnd von dem leidigen Teuffel/ der all-
wege vnter dem namen Gottes schre-
cken wil. Sind nun aber solche gedan-
cken

den von dem leidigen Teuffel / woher
sind denn die dogmata, welche öffent-
lich aussprengen / das ein armer gefal-
lener Mensch / da er vielleicht noch nicht
gebüffet / oder nicht ausgebüffet hat /
die Gnade Gottes / vnd den heiligen
Geist verloren / vnd numehr in Gottes
höhestem zorn vnd vngnaden sey? Ich
halte sie sein auch vom Teuffel / weil sie
dahin gerichtet sind / das sie / wie harte
Donnerschlege / schrecken vnd zuschmet-
tern wollen / alles was sich nicht weis
zu wehren / vnd dafür zu hüten.

Victorinus in Psalmum 31, ad dictum:

*Ego dixi in anxietate mea, pro-
iectus sum à facie oculo-
rum tuorum.*

Nullum atrocius vulnus à Diabolo in-
figi potest, quàm tentatio de abiectio-
ne. Hoc vulnus qui sentiunt, verè cum Dauide
& Iona exclamant: Abiectus sum à con-
spectu oculorum tuorum. Sed huic morsui
opponenda est, inuocatio, & gemitus in-

D 2 narra-

inarrabilis, ut Jonas capite secundo inquit:
Cum angustiaretur in me anima mea, Do-
mini recordatus sum, ut veniat oratio me-
a, ad templum sanctum tuum. Quod autem
hæc meditatio omnium efficacissima sit,
testatur Psalmus: Tu exaudisti vocem ora-
tionis meæ, dum clamarem ad te. Quoties
igitur Deus nos mergi sinit in hanc tristis-
simam tentationem, imitemur exempla
Davidis, Ionæ, & aliorum sanctorum, qui
non fuerunt muti, sed inenarrabili gemitu
Deum invocarunt, & divinam liberatio-
nem experti sunt. Differt autem hæc tenta-
tio à desperatione, quia desperantes nullas
preces nulla vota concipiunt, sed irascun-
tur Deo, & fugiunt Deum. Luctantes ve-
rò cum tentatione de abiectioe, retinent
adhuc scintillam fidei, & gemitum invo-
cationis, & tandem vincunt Diabolum
ac impios Doctores, qui hor-
ribilem blasphemiam
de abiectioe
spargunt.

De

Der Ander teil.

Weil aber der liebe Friede / das
von wir bis daher geredt / aus
dem Euangelio kömpt / welches S. Pau-
lus nennet / Ephes. 6. Euangelium pacis:
wil ich betrübten vnd Friedbegirigen
hertzen zu gut einen solchen locum aus
Luthero setzen / daraus sie trostes vnd
friedes die fülle / als aus einem reichen
vnd vberflüssigen Springborn / erlan-
gen sollen.

Dieser Locus aber ist eine erklerung
des Spruchs Ioan. 3. Also hat Gott
die Welt geliebet / weitleufftig zwar
von Luthero geschrieben / aber von mir
kürzlich aus Luthero zusammen gezo-
gen.

Hie mag ich aber wol mit Salomo-
ne sagen / Prouerbiorum 8. Audite, quoni-
am præstantia loquar. Höret mir zu / denn
ich wil herrliche vnd köstliche dinge re-
den / darob nicht allein ewre Seelen /
sondern auch die Fürstenthumen vnd
Herrschafften im Himmel / wie S. Paulus
D iij lus

Ius spricht / Ephes. 3. sollen ein gefal-
len haben.

Lutherus in der Kirchen postillen / Montags in den heiligen Pfingsten.

Also hat Gott die Welt
geliebet.

Mit diesen Worten füret er vns so
bald hinauff in des Vaters hertz / das
wir sollen sehen vnd wissen / das dis sey
der hohe wunderbare rath Gottes /
von ewigkeit beschlossen / das vns
durch diesen Son solte geholffen wer-
den. Daraus wir sollen je greifflich se-
hen vnd wissen / das vns Gott nicht
dencket vmb vnser Sünde von sich zu
werffen vnd verdammen / sondern wil /
so wir für Gottes zorn erschrocken sind
von wegen der Sünde / vns diesen ewi-
gen Göttlichen willen fürhalten / das
wir vmb dieses Mitlers vnd Heilands
willen

willen ewige Gottes gnade / vnd ewi-
ges Leben erlangen.

Ibid.

Gott ist nicht mehr ein Treiber / der
da nur von vns fordere / vnd wie in Mo-
se nennet / ein fressend vnd verzereud
feuer / sondern ein reicher quellender
ewiger Born aller gnaden vnd gaben.

Item.

Gott gibt nicht aus schuld oder
pflicht / sondern aus eigener güte / als
ein solcher Herr / der gerne gibt / vnd des
lust vnd freude ist zu geben / lauter vmb
sonst / on alles gesuche.

Item.

Weil Gott also gibt / das es fleust
aus veterlichem hertzen / oder wie man
saget / von lieber hand / so sol vns sein
Wort vnd Sacrament / vnd alle andere
gaben sein / als vnser teglich Paradis
vnd Himmelreich : nicht von wegen des
ansehens der gaben allein / sondern viel
mehr von wegen der grossen Liebe / aus
welcher solches gegeben wird. Wenn du

D iij einen

einen bissen brods in den mund steckest /
soltu gedencken vnd sprechen: Dis bist
lin hat mir Gott aus hertzlicher Liebe
gegeben.

Das er seinen einigen geborenen Son gab.

Das heisset eine Liebe nicht mit
worten / sondern mit der that / vnd in
dem höchsten grad / mit dem thewer-
sten gut vnd werck beweisen / das Gott
selbs hat vnd vermag. Was sol oder
kan er mehr thun vnd geben? Denn weil
er den Son gibt / was behelt er das er
nicht gebe? Ja er gibt damit sich selbs
gantz vnd gar / wie Paulus Rom. 8. sa-
get / Wie solt er nicht mit jm alles gege-
ben haben? Vnd abermal / 1 Cor. 3. Al-
les ist ewer. Denn in diesem Son ist es
alles vnd alles.

Der Welt seinen Son gab.

Wenn doch gesagt würde / das er
hette die Engel geliebet / das weren
doch

hoch herrliche/edle Creaturen/der Lie-
be werd. Aber was ist hiegegen die Welt
anders / denn ein grosser hauffe solcher
Leute/die Gott verachten vnd lestern/
vnd alle seine Gebot vbertreten. Das er
wol viel mehr denn gnug ursach hette/
wo er die Welt horete nennen / sie des
augenblicks mit donner vnd blitz in ei-
nen hauffen zu puluer zu schmettern/
vnd in abgrund der Hellen zu werffen.
Sihe dieser zarten frucht schencket er sei-
nen lieben Son/ vnd mit jm alles.

Denn welcher Mensch kan allein sein
eigen Sünd vnd vngheorsam zelen/vnd
gnug bewegen? Noch vberwindet in
die grosse liebe/ das er irer aller/vnd jes
des Sünde hinweg nimet / das sie ewig
vergessen / tod vnd ab sein sol/vnd das
für seinen Son/vnd alles mit jm schen-
cket.

Ibid. Er verschlinget auff ein mal alle
ire laster vnd Sünde.

Item. Vnd ist also die Gnade viel
grösser / vberschwenglicher vnd mecht-
tiger/denn alle Sünde auff Erden/das
keines Menschen noch aller mit einander

D v der

der unwirdigkeit / ja verdienter ewiger
zorn vnd verdammis / so gros nicht sein
kan / das die grösse dieser liebe vnd gna-
den / oder vergebung / nicht dieselben
hoch / tieff / breit vnd weit vberwege /
ja vberschwemme / wie S. Paulus Rom.
5. saget / Gratia exuberat supra peccatum.
Vnd psalmo 103. So hoch der Himmel
ist vber der Erden / so fern nimet er von
vns alle vnser Sünde.

Das ewige leben haben.

Gott gibt seinen lieben Son der
Welt darumb / das sie von im sol das
ewige leben haben. Vnd ist hieraus wol
zu sehen / das Gott nicht im sinne hat /
noch seine meinung ist / die Leute zu wür-
gen vnd zu betrüben / wie der Teufel den
blöden hertzen fürbildet / durchs Gesetz
vnd fürhaltung ihrer unwirdigkeit: Son-
dern wil geben das Leben / vnd solch le-
ben / das da heist ewig leben vnd freu-
de / vnd des zum pfand vnd warzeichen
seinen einigen Son gibt. Welchs er ja
gewislich nicht there / wo er vns nicht
liebet /

liebet / sondern zornen vnd verdammen
wolte.

Es solten billig dieser vnd desglei-
chen herrliche tröstliche Sprüche / ein-
nem Christen / für aller Welt schetze /
lieb vnd werd sein. Denn es sind solche
wort / die niemand kan ausgründen
noch erschepffen / Vnd ja solten / wo sie
recht geglaubt würden / einen guten The-
ologen / oder viel mehr einen starcken
frölichen Christen machen / der da kün-
de recht reden vnd leren von Christo /
alle andere Lere vrteilen / jederman rath-
ten vnd trösten / vnd alles leiden was
im fürkeme.

Die an in glauben.

Der Glaube ist das gülden Ledlin /
darein man den Schatz legen sol. Denn
wie Gott der Geber durch seine Liebe
solches schencket / also sind wir die Nes-
mer durch den Glauben / welcher nichts
thut / denn solch geschencke empfehet.
Es ist schon alles dar geschencket / vnd
dargegeben / allein das du das hertz
auff

auffthust / vnd still haltest / vnd lassest
dich füllen.

Vnd hie siehestu / was der Glaube
sey / nemlich ein solch hertz / das da in
sich schleust vnd fasset den Son Got-
tes / wie diese wort lauten / Vnd gewis-
lich dafür helt / das Gott seinen einge-
bornen Son für vns dahin gegeben /
vnd vns also geliebet / das wir vmb des-
selben willen nicht verloren sein / son-
dern das ewige Leben haben sollen.


Vnd ein solcher Glaube siehet nicht
nach seiner stercke oder würdigkeit / wie
die Ketzer trewmen / Sondern euffert
sich selbs / vnd helt sich an Christum /
vnd schleust in in sich / als sein eigen ge-
geben gut. Denn der Glaube ist ja nicht
der Schatz von Gott gegeben / daran
man glauben sol / sondern Christus Got-
tes Son.


Aber wie gros vnd vnaussprechlich
dis alles ist / So ist doch dagegen viel
größer vnd wunderbarerlicher / das ein
Menschlich hertz solches alles sol könn-
en glauben. Den da mus ein hertz sein /
das da kan fassen / mehr denn Himmel vnd
Erden


Erden vermag zu begreifen. Das man
mus sehen/ was für ein treffliche Gött
liche Krafft vnd werck der Glaube ist/
Der da kan der Natur vñ aller Welt vn
möglich ding thun/ vnd nicht weniger
wunder ist/ denn alle Gottes wunder
vnd werck/ noch grösser denn das / das
Gott ist Mensch worden/ von einer
Jungfrauen geboren / Wie S. Bern
hardus saget. Denn alles ist zu gar gros/
vñ des Menschen hertz gar zu klein/enge
vnd schwach / das es für solcher grösser
sich entsetzen/vnd erschrecken mus.

Darumb gehet es auch in grosser
Schwacheit zu / vnd kan auff Erden
nimer also erlangt vnd gefület werden/
wie es solte / sondern bleibet noch jmer
im wünschen vnd seuffzen des Geistes/
welchs auch dem Menschen selbs vn
ausprechlich ist/ da das hertz sagt / O/
das es war were/ Ach wer es künde gleu
ben. Aber dennoch thut solches seuff
zen vnd füncklin des Glaubens so
viel / das es Gott für einen
völligen Glauben
rechnen wil.

F I N I S.








AB 46 13
AB 46 / n, 12


ULB Halle 3
002 683 717



St







5

Son dem
Friede Gottes.

Evangelischer
 vnterricht.

Geschrieben durch
M. Stephanum
 Prætorium.

Anno
M. D. LXXIII.

